

**John Raymond Naputi Testimony:** Åhe ya bai to'gue, Guåhu si John Raymond Naputi Aguon, taotao Talofoto. Antes di hu hãnao magi guini ilek-ña i subrinã-hu, para un hãnao hao taiguenao. Mumuda ha sa para un testigu, ti mâtto guini put banida, mâtto guini put i sinentete-ku. Guaha lahi-hu hagã-ña, sinko años. Eyi gina gaige hu guini. Mâtto guini put supotte este na opinion na pao ma kontra, Siñot Miguët San Nicolas kumekentos hamyu yan si Attorney Bordallo, Phillips Bordallo. Noh taimano mumuyi i aka'gue para i agapa, mumuyi sa' nu tumogi hu gi alacha, hu hãtsa kannai-hu ya ilek-hu, "Hãfa ta'lu malago-mu?" Un chu'le esta i tano-hu, un chu'le i areklamentun i lina'la i familiãk-ku, lao an pun ke' chu'le i spiritu-hu, bai mâtai pãpa bai mumuyi hao, ya bai kontra hao, sa' taotao hao, yan taotao yu'. Eya'gi hu mumumuyi i patgon i famagu'on-hu. Guaha bai nã'i hamyu hemplo, yan fan makmãta guenao hulu. Gumã-hu tres na kuãto, i familiã-ku ma hãtsa, mâtto hao i taotao sanhiyong ya un hãtme gumã-hu, i tano islan Guãhan. Put hemplo un sangãni-hit na eyu' na kuãto i yo'mu, pues ante di un huyong ilek-mu, estagui areklamento ngai'an pun maigo, ngai'an na pun boka ya' guãhu bai apãsi i kelet. Tãya guini racist, tãya guini diskriminashon este peblisite, para ma nã'i chansa i taotao i tano ni hagas ni man ma dineha. Pao ma sãngan hãfa mala'go niha. Hu ekongok gi K-57 si Andrea Pelicani si Tom an u'yu, hunggan U.S. citizen, I have the right to vote, hunggan. Lao hãfa na U.S. citizen hu, ya I don't have the right to vote U.S. Senate, U.S. Congress, and U.S. President that makes the law that affects me. Hãfa na ti unconstitutional eyu'?

An humãlom hao gi gumã-hu un kombida otro taotao ni ti Chamoru, pues ilek-hu mãnao hao guatu sa hãgu i fedirãlis, yo'ku landlord sa' ilek-mu na yo'mu I gumã-hu un demãnda, un arekla hit, eyu' na fafaisen en para un dãkdak gi potan-hu yan hey, kao siña guaha dididi hu sangãni hao? Eyu ha ma gãgagao nu este i Chamoru only vote. Pao hãnao ya pun dakdak gi pettan kongresu ya sangãni kao siña guaha un sangãni hao? Eyu ha' kumekelek-ña, ahe ti kumekelek-ñana pao un arekla gubetnon Guam, ya todú I tagãlu, rasãnu, an masea hãyi gaige guini, un ma fa dudulak sa racist. I familiã-ku man asagua yan Mexicano, bakuku, ãpaka, ah i hagã-hu pao asagua yan Canadian, ti racist yu', sa en ma racist i familiã-ku ti un akseptã enao siha na taotaogues. Lao en akseptã, eyu ha yu kumekelek-ña, ahe ti lelek-ña nati debi ni un fan bota sa ti Chamoru hao, eyu' ha yu kumekelek-ña en pao nã'i i familiã-ku chãnsa gi gumã-hu. Kao siña hu kuentusi hao pues anai hu baba i petta ya hu kuentusi hao, ilek-mu hunggan hu hungok hao lao hãnao sa eyi man gaige I otro na taotaogues ni sumãsaga gumã-mu yan fan akuentusi pues eyu na hu bira-hu tãtte ya "ok" todú man gaige gi islan Guam ya man U.S. citizens ta bota sa esta'gue pun tinilaikan gubetno, eyu ha i infotmashon, tãya este na botu kumekelek-ña na lai, lao meggai lai ma fa'titinas ya tãya siña hãfa ta sãngan, tãya siña hãfa hu sãngan, magahit yanggen dinanche' eyi i palao'an guini na tagãla, gumã-ña Guam, lao ti sãngan na ti tano-ña, gumã-ña. Ya-ña i taotao, ya-ña i trongko, ya-ña tasi, laoha sãngan i minagãhit, tãya direcho-ku sa bisita yu' guini. Pãgo sangãni i Chamoru hãfa pa ma cho'gue i lina'la ñiha, ya ha sãngan ha,na eh i man a'tungo-hu ni man tagãlu malago hamyo para ta fan bota, nihi ta hãnao tãtte pa tano-ta, ti debi ni ta ma bota sa' ti tano-ta este, bisita hit. Mumuyi an man ma pedi hit pãgo, mumuyi ta fan pedi agupa, mumuyi ya sigi ha ta mumuyi para i famagu'on-ta ni man mamaila.

Munga mumuyi sa esta lai. Taotao tumugi eyi lai, taotao siña mu' na' suha. Ya ti esti ni man pon nã'i hamyo infotmashon, mongge si Madeline Bordallo? Tãya hu hungok na gaige gi kongresu, na eh amigo, otro na kongresu, maila ya un na ta fan asisti esti. Sa' ahe' ti keke pu'no i Chamoru Guam, esta ha en pinu', en keke spiha i Chamoru ni man gaige Guam taimanu ni bei fan lã'la ni famagu'on mãmi? Eyu ha hu hungok put si Madelline i put i pay raise, ai ga'chong... dosse años ya pay raise. Maila fan sa' i sinentete-ku pãgo kocha hu mãtai agupa, magof yu' sa hu mumuyi i patgon lahi-hu, sa angen dumãngkalo' nai ya gaige yu' gi langhet, sa' hu tungo ha na bai hãnao para i langhet, munga' humãnao sasalãguan, siempre ilek-ña hagã-ña hãfa si tãta bidã-ña na taiguini or hãfa si tãta ha' cho'gue ya tai guini. Siña ma oppe' si tatã-mu ha so'ta karabao gi huyong, sinesemnak po hãlom ya pun testigo guini i benbendan i lai, i benbendani kongresu, put hãgu, para lina'lã-mu. Mumuyi este an ti taiguenao pãgo, ta mumuyi agupa, esta ki ta' gãnna sa anggen ta cho'gue este para hanao para i kongresu, hu komprende hãfa ilelek-mu Siñot Miguët eya'gue lokkue lelek-ña si Siñot Miguët guini, dos Miguët. i anggen ti un cho'gue pãgo nai ma akseptã hãfa malago-niha ya mumuyi, ya siha hu akseptã i hãfa malago-ta. Dispensa yu anggen dumisitentu, lao en sãsangan i piniti-hu, sa esta cha di mas ni para ta fan ma ga'ga' gi mãs mismu gumã-ta, umbis i karabao i ga'ga' tãya ni en fan kuentusi hu lao hu asisti ya hu nã'i hãnom, tãya gumimen ha' setbe hu dãngkalo na Si Yu'os Ma'ãse, pues hita ni taotao, ta cho'gue enao para en man mamaila siha taotao-ta. Hu supotte este yan i land trust na appeal. Dãngkalo na Si Yu'os Ma'ãse, Biba Chamoru, Biba taotao Guam, Biba Man Chamoru! Saina Ma'ãse! Adios.